

РЕПУБЛИКА СРПСКА  
ГРАД ПРИЈЕДОР  
ГРАДОНАЧЕЛНИК  
ГРАДСКА УПРАВА  
П Р И Ј Е Д О Р



REPUBLIKA SRPSKA  
GRAD PRIJEDOR  
GRADONAČELNIK  
GRADSKA UPRAVA  
P R I J E D O R



---

79 101 Приједор, Трг ослобођења 1, Тел.+387 52 245 100, 245 101, факс.+387 52 245 104, E-mail: gradonacelnik@prijedorgrad.org, www.prijedorgrad.org

PRIJEDLOG

**IZVJEŠTAJ O REALIZACIJI REVIDIRANOG PLANA KAPITALNIH INVESTICIJA  
GRADA PRIJEDORA (2018-2020.)  
ZA 2019. GODINU**

**Prijedor, maj 2020. godine**

## SADRŽAJ

1. Sažetak.....	3
2. Pregled realizacije kapitalnih investicija u 2019. godini.....	6
2.1. Privreda.....	6
2.2. Komunalna infrastruktura.....	8
2.3. Saobraćajna infrastruktura.....	12
2.4. Elektro infrastruktura.....	14
2.5. Obrazovanje.....	16
2.6. Sport.....	17
2.7. Društveni sadržaji.....	18
2.8. Ostali projekti.....	19
2.9. Zaštita životne sredine i energetska efikasnost.....	21
2.10. Zdrastvo .....	21
2.11. Kultura i turizam.....	21
3. Rekapitulacija svih projekata.....	22
4. Zaključak.....	23

## 1. SAŽETAK

Plan kapitalnih investicija Grada Prijedora 2018-2020. godine je strateško – planski dokument, koji treba da podstiče budući rast i razvoj zajednice, obuhvatajući 11 oblasti investiranja i to:

- Privreda,
- Komunalna infrastruktura,
- Saobraćajna infrastruktura,
- Elektro infrastruktura,
- Kultura i turizam,
- Obrazovanje,
- Sport,
- Zaštita životne sredine i energetska efikasnost,
- Zdravstvo,
- Društveni sadržaji i
- Ostali projekti.

Jedna od najvažnijih aktivnosti koju jedinice lokalne samouprave redovno sprovode, jeste planiranje značajnih kapitalnih projekata. Bilo da se radi o komunalnoj, tehničkoj ili saobraćajnoj infrastrukturi ili projektima unapređenja privrednog i opšte-društvenog ambijenta, ovi projekti apsorbuju veći dio sredstava kojima lokalna zajednica raspolaže.

Plan kapitalnih investicija je osnovni dokument za planiranje kapitalnih izdataka u budžetu Grada, te se pod kapitalnom investicijom ili kapitalnim projektom smatra investicija u materijalni objekat ili imovinu, koji zahtijeva značajna finansijska ulaganja i očekivanog je vijeka trajanja, dužeg od jedne godine. Kapitalne investicije, u smislu ovog Plana, su investicije vrijednosti od cca 100.000,00 KM i više.

U zavisnosti od svojih specifičnosti, prirode prioriteta, finansijskih mogućnosti i slično, svaka lokalna zajednica sama definiše šta se podrazumijeva pod kapitalnom investicijom. Kapitalne investicije se u Planu kapitalnih investicija definišu prema nekoliko kriterijuma: periodu realizacije, rokovima, godišnjim i ukupnim troškovima, stepenu prioriteta investicije i strukturi finansiranja prema izvorima.

Tokom prethodnih godina, Grad Prijedor je provodio brojne aktivnosti koje su usmjerene ka razvojnim procesima, kao i na utvrđivanju i realizaciji prioriteta projekata, čime su se stvarale pretpostavke za pokretanje lokalnih potencijala i unapređenje poslovne klime. Od posebnog značaja je realizacija projekata u oblasti komunalne infrastrukture, te onih kojima se kroz stvaranje povoljnog ambijenta za privlačenje investicija, podsticao ekonomski razvoj i povećanje broja zaposlenih, prioritetno u proizvodnom sektoru.

Grad Prijedor je, u prethodnom periodu, izradio i usvojio Integralnu strategiju razvoja Grada Prijedor za period 2014-2024. godine, te Plan kapitalnih investicija za period 2015-2017. godine, kojima je odredio strateške pravce razvoja Grada u definisanom desetogodišnjem periodu, u čijoj je implementaciji značajan faktor realizacija kapitalnih investicija.

Opredjeljenje Grada je bilo da, u skladu sa strateškim i razvojnim planovima, u periodu 2018-2020. godine, bude realizacija projekata u oblasti komunalne i poslovne infrastrukture,

kao i onih projekata koji će dati značajan doprinos daljem unapređenju konkurentnosti lokalne privrede i uopšte razvoju Grada, te da se nastavi implementacija započetih projekata.

Jedan od osnovnih doprinosa Plana kapitalnih investicija u razvoju lokalnih zajednica jeste to što omogućava efikasnu alokaciju finansijskih sredstava Grada u kapitalne investicije. Imajući u vidu da sredstva iz budžeta Grada uglavnom nisu dovoljna za finansiranje kapitalnih investicija, kako u smislu održavanja, tako i ulaganja u novu infrastrukturu, za realizaciju kapitalnih projekata potrebno je obezbjeđivati sredstva iz drugih izvora finansiranja. U skladu s tim, a u cilju uspostavljanja ravnoteže između tekućeg održavanja i postojeće poslovne i komunalne infrastrukture, te novih investicija na području Grada, pristupilo se procesu izrade Plana kapitalnih investicija za period 2018-2020. godina.

Aktivnosti na izradi Plana kapitalnih investicija za period 2018-2020. godine počele su tokom 2018. godine, imenovanjem Tima za izradu Plana kapitalnih investicija (u daljem tekstu Tim za izradu PKI). Tim za izradu PKI je imenovan Rješenjem Gradonačelnika, broj: 02-111-255/18. Tim je sastavljen od 17 članova, među kojima su predstavnici Gradske uprave, Javnih preduzeća i ustanova sa gradskog i republičkog nivoa, predstavnici privrednika, te Aktiva direktora srednjih škola. Osnovni zadatak Tima za izradu PKI je bio da izradi Plan kapitalnih investicija 2018-2020. godine, te da, u skladu s tim:

- pripremi i dostavi obrasce za kandidovanje investicionih projekata;
- odredi liste investicionih projekata prikupljenih na osnovu pripremljenih obrazaca;
- boduje projekte na osnovu kriterijuma za bodovanje;
- odredi projekte za PKI i
- kreira obrasce za izvještavanje o implementiranim projektima.

U toku trajanja procesa izrade PKI, pristiglo je 80 projektnih prijedloga, među kojima su svoje prijedloge dostavili: organizacione jedinice Gradske uprave, gradska komunalna preduzeća, gradske ustanove i institucije, republička javna preduzeća i ustanove, ustanove kulture i obrazovanja sa područja grada, kao i predstavnici mjesnih zajednica i građana, čime su iskazali spremnost da se uključe u proces izrade Plana kapitalnih investicija.

Tim za izradu PKI je izvršio analizu pristiglih projektnih prijedloga, pripremio liste pristiglih investicionih projekata, te izvršio bodovanje i ocjenu projektnih prijedloga. Kako bi se što realnije izvršio odabir projekata koji bi bili dio PKI 2018-2020. godine, Tim za izradu PKI je zatražio da se izvrši dodatna evaulacija predloženih investicionih projekata od strane nadležnih organizacionih jedinica Gradske uprave, gradskih institucija, ustanova i preduzeća, odnosno, da se, u zavisnosti od njihovih jednogodišnjih i srednjoročnih planova, kao i njihovih očekivanih izvora finansiranja, izjasne šta je od predloženih projekata za PKI realno da bude realizovano u planskom period, a šta nije. U toku ove evulacije, uočeno je da se određeni projekti ponavljaju ili su slični projekti predloženi od strane više predlagača, da pojedini projekti nisu realni, jer su loše finansijski procijenjeni od strane predlagača, kao i da će neki prijedlozi biti realizovani kroz redovne aktivnosti nadležnih organizacionih jedinica Grada (obuhvaćeni godišnjim programima).

Nakon ovih analiza, od ukupno 80 kandidovanih projektnih prijedloga, Tim za izradu PKI je konstatovao da 71 projektni prijedlog ispunjava definisane kriterije u pogledu perioda realizacije, vremenskim rokovima, godišnjim i ukupnim troškovima, stepenu prioriteta investicije i strukturi finansiranja prema izvorima.

Nakon sagledavanja stanja po oblastima i određivanja prioriteta investiranja, formirane su liste investicionih projekata po oblastima investiranja, usaglašene sa projekcijom budžetskih sredstava za kapitalne investicije za planski period, kao i procjenom očekivane

dinamike finansiranja kapitalnih projekata putem drugih izvora finansiranja ili saradnje sa privatnim partnerima.

Tim za izradu Plana kapitalnih investicija 2018-2020. godine je tokom 2019. godine izvršio reviziju, odnosno, ažuriranje Plana kapitalnih investicija za 2019. i 2020. godinu, s ciljem da se obezbjedi što realnije planiranje u narednom periodu. Izvršena je analiza postojećih projekata tako da su prolongirani svi oni projekti za koje se nisu obezbjedili uslovi za njihovu implementaciju u 2019. godini, pa su Revidiranim Planom planirani u 2020. godini.

Takođe, Tim za izradu Plana kapitalnih investicija je eliminisao sve one projekte za koje se nisu obezbjedili uslovi ( finansijski, materijalni, ljudski ) za implementaciju u narednom periodu i dopunio Revidiran Plan kapitalnih investicija sa šest novih projekata.

Za praćenje provođenja Plana kapitalnih investicija 2018-2020. godine, zadužen je Tim za izradu Plana kapitalnih investicija za period 2018-2020. godine.

Skupština Grada Prijedora je na Drugom zasjedanju 33. sjednice održanom dana 24.12.2019. godine donijela Zaključak o usvajanju Revidiranog plana kapitalnih investicija Grada Prijedora za 2019. i 2020. godinu.

Ukupna vrijednost predloženih projekata u Revidiranom Planu kapitalnih investicija za 2019. i 2020. godinu je **48.289.486,24 KM**, od čega je iz budžeta Grada planirano **18.977.843,84 KM**, a iz eksternih izvora **29.311.642,40 KM**.

Pregled finansijskih ulaganja u Revidiranom Planu kapitalnih investicija, po godinama i oblastima investiranja, dat je u tabeli broj 1.

Red. Broj	Oblast investiranja	Godina investiranja		Ukupno
		2019.	2020.	
1.	Privreda	1.943.016,49	1.373.000,00	3.316.016,49
2.	Komunalna infrastruktura	2.525.500,00	13.211.749,35	15.737.249,35
3.	Saobraćajna infrastruktura	2.962.232,64	0,00	2.962.232,64
4.	Elektro infrastruktura	2.300.000,00	1.650.000,00	4.300.000,00
5.	Zaštita životne sredine i energetska efikasnost	0,00	9.678.319,76	9.678.319,76
6.	Kultura i turizam	0,00	0,00	0,00
7.	Obrazovanje	356.474,00	981.046,00	1.337.520,00
8.	Sport	3.500.000,00	1.200.000,00	4.700.000,00
9.	Zdravstvo	0,00	1.300.000,00	1.300.000,00
10.	Društveni sadržaji	3.400.000,00	1.250.000,00	4.650.000,00
11.	Ostali projekti	247.000,00	411.148,00	718.148,00
<b>Ukupno</b>		<b>17.234.223,13</b>	<b>31.055.263,11</b>	<b>48.289.486,24</b>

**Tabela 1.** - Pregled po oblastima i godinama investiranja u Revidiranom Planu kapitalnih investicija 2018-2020. godine za 2019. i 2020. godinu

## **2. PREGLED REALIZACIJE KAPITALNIH INVESTICIJA U 2019. GODINI**

Revidiranim Planom kapitalnih investicija u 2019. godini, planirana je implementacija 31 projekta, čija je ukupna vrijednost **17.234.223,13 KM**.

U 2019. godini od 31 planiraniranog, realizovano je 29 projekata onako kako je i predviđeno Revidiranim Planom kapitalnih investicija za 2019. i 2020. godinu, dok za dva projekta nisu obezbjeđena sredstva, te je njihova implementacija prolongirana za 2020. godinu.

Na osnovu Revidiranog Plana kapitalnih investicija 2018-2020. godine za 2019. i 2020. godinu, u nastavku je dat pregled implementacije projekata za 2019. godinu po oblastima.

### **1. PRIVREDA**

#### **1.1. Izgradnja objekta do konstruktivne faze u kojoj će se vršiti proizvodnja komutatora, mašina i alata**

U toku 2018. godine, u okviru ovog projekta, Skupština Grada Prijedor je usvojila Odluku o dugoročnom kreditnom zaduženju za realizaciju kapitalnog projekta (Odluka broj: 01-022-34/18 od 07.03.2018. – „Službeni glasnik Grada Prijedor“, broj: 05/18), uz saglasnost Ministarstva finansija Vlade Republike Srpske, broj: 06.04/400-355-1/18 od 21.03.2018. godine. Sprovedena je procedura javne nabavke za podizanje dugoročnog kredita i odabrana je banka za kreditno zaduženje.

Grad Prijedor je sa privrednim društvom Kolektor CCL d.o.o. Laktaši potpisao Ugovor o poslovno-tehničkoj saradnji i zakupu objekta (Ugovor broj: 02-477-99/18 od 19.09.2018. godine).

Sprovedena je procedura javne nabavke i odabran je izvođač za izgradnju objekta do konstruktivne faze. Ugovor sa odabranim izvođačem je potpisan 03.10.2018. godine.

Konstruktivna faza podrazumijeva: uređenje parcele i izgradnju objekta. Radovi na izgradnji objekta do konstruktivne faze (uređenje parcele i izgradnje objekta), tokom 2018. godine, su fazno realizovani.

Tokom 2019. godine, preduzeće Kolektor CCL d.o.o. Laktaši je izvršilo ulaganje u vrijednosti cca 1.500.000 KM za unutrašnje uređenje objekta ( uređenje zidova, podova, struja, voda, grijanje, ventilacija).

Planirani iznos za finansiranje aktivnosti iz ovog projekta u 2019. godini je 1.500.000,00 KM i to samo iz privatnog izvora. Realizovani iznos u 2019. godini, iz istog izvora, je 1.500.000,00 KM.

Ovaj projekat je kandidovalo Odjeljenje za privredu i poljoprivredu i isto je dostavilo podatke u vezi sa njegovom implementacijom.

#### **1.2. Projekat izgradnje trafostanica za potrebe Grada Prijedora**

U toku 2019. godine, u okviru ovog projekta, za potrebe širenja naselja Grada Prijedora i izgradnje novih i povećanja postojećih privrednih kapaciteta, Elektrodistribucija Prijedor gradi trafostanice sa pripadajućim napojnim vodovima na temelju zajedničkog ulaganja sa

Gradom Prijedorom. To se, između ostalog odnosi na trafostanice u Industrijskoj zoni Celpak, za Sportsku dvoranu na Urijama i pripadajuće ostale potrošače, naselje Raškovac i dr. Završen je dio aktivnosti i u narednoj kalendarskoj godini će se realizovati ostatak aktivnosti.

Planirani iznos za finansiranje aktivnosti iz ovog projekta u 2019. godini je 150.000,00 KM i to samo iz eksternih izvora. Realizovani iznos u 2019. godini je 150.000,00 KM iz istog izvora.

Ovaj projekat je kandidovala R.J. "Elektrodistribucija" Prijedor i ista je dostavila podatke u vezi sa njegovom implementacijom.

### **1.3. Izgradnja Distributivnog centra voća i povrća Prijedor**

U toku 2019. godine, u okviru ovog projekta, plaćena je prva privremena situacija i izvršena je djelimična sanacija objekta koji se nalazi u vlasništvu Grada Prijedora na teritoriji Omarske, a do sada su završeni radovi opisani kao: isporuka i montaža hladioničkih panela; isporuka i montaža rashladne opreme i isporuka i montaža hladioničkih vrata.

Planirani iznos za finansiranje aktivnosti iz ovog projekta u 2019. godini je 196.016,49 KM i to samo iz budžeta Grada. Realizovani iznos u 2019. godini je 83.000,00 KM iz istog izvora.

Ovaj projekat je kandidovalo Odjeljenje za privredu i poljoprivredu i isto je dostavilo podatke u vezi sa njegovom implementacijom.

### **1.4. Regulatorni plan sportskog aerodroma „ Urije“**

U toku 2019. godine, u okviru ovog projekta, donesena je Odluka o pristupanju izradi Plana i imenovan je savjet Plana. Izvršeno je oglašavanje i prikupljanje prijedloga za planska rješenja. Provedene aktivnosti nemaju veće finansijske efekte, odnosno nabavljene su geodetske podloge od nadležnog organa.

Planirani iznos za finansiranje aktivnosti iz ovog projekta u 2019. godini je 30.000,00 KM i to samo iz budžeta Grada. Realizovani iznos u 2019. godini je 580,00 KM iz istog izvora.

Ovaj projekat je kandidovalo Odjeljenje za prostorno uređenje i isto je dostavilo podatke u vezi sa njegovom implementacijom.

### **1.5. Izrada dokumenata prostornog uređenja za poslovne i radne zone**

Ovaj projektni prijedlog obuhvata izradu i više dokumenata prostornog uređenja. U 2019. godini završena je izrada Urbanističkog plana Ljubije 2016-2036. godine i Zoning plana južnog dijela urbanog područja Prijedora. Započete su propisane aktivnosti na izradi Zoning plana radne zone - donesena Odluka o pristupanju izradi i imenovan je savjet Plana. Oglašena je izrada Plana i prikupljeni su prijedlozi za planska rješenja. Sačinjene su programske smjernice za izradu Plana i dostavljene nosiocu izrade koji je izbran u međuvremenu. Obavljeni su terenski radovi za potrebe kompletiranja informaciono-dokumentacione osnove Plana.

Planirani iznos za finansiranje aktivnosti iz ovog projekta u 2019. godini je 67.000,00 KM i to samo iz budžeta Grada. Realizovani iznos u 2019. godini iz budžeta Grada je 84.283,00 KM.

Ovaj projekat je kandidovalo Odjeljenje za prostorno uređenje i isto je dostavilo podatke u vezi sa njegovom implementacijom.

U narednoj tabeli dat je finansijski pregled realizacije projekata u oblasti Privreda:

**Tabela 2.** Privreda

<b>Redni broj</b>	<b>Naziv projekta</b>	<b>Planirana sredstva u 2019. godini (KM)</b>	<b>Ostvareno u 2019. godini (KM)</b>
1.	Izgradnja objekta do konstruktivne faze u kojoj će se vršiti proizvodnja komutatora, mašina i alata	1.500.000,00	1.500.000,00
2.	Projekat izgradnje trafostanica za potrebe Grada Prijedora	150.000,00	150.000,00
3.	Izgradnja Distributivnog centra voća i povrća Prijedor	196.016,49	83.000,00
4.	Regulacioni plan sportskog aerodroma „Urije“	30.000,00	580,00
5.	Izrada dokumenata prostornog uređenja za poslovne i radne zone	67.000,00	84.283,00
<b>UKUPNO</b>		<b>1.943.016,49</b>	<b>1.817.863,00</b>

Realizacija sredstava u oblasti Privreda u 2019. godini je 93,55 %, što znači da je ostvarena izuzetno dobra realizacija i da su u ovoj oblasti svi projekti koji su kandidovani u Revidiranom Planu kapitalnih investicija za 2019. i 2020. godinu realizovani u potpunosti ili sa visokim stepenom realizacije.

## **2. KOMUNALNA INFRASTRUKTURA**

### **2.1. Rekonstrukcija vrelovodne i toplovodne mreže Grada Prijedora**

U toku 2019. godine, u okviru ovog projekta, izvršena je rekonstrukcija dijela vrelovoda u ulici P.M. Nenadovića.

Planirani iznos za finansiranje aktivnosti iz ovog projekta u 2019. godini je 120.000,00 KM i to samo iz eksternih izvora. Realizovani iznos u 2019. godini je 69.500,00 KM iz istog izvora.

Ovaj projekat je kandidovalo Javno komunalno preduzeće AD "Toplana" Prijedor i isto je dostavilo podatke u vezi sa njegovom implementacijom.



## **2.2. Proširenje vrelovodne mreže grada Prijedora**

U toku 2019. godine, u okviru ovog projekta, izvršena je izgradnja novog dijela vrelovoda u ulici B. Nušića i M. Obilića za priključenje novih korisnika na sistem grijanja.

Planirani iznos za finansiranje aktivnosti iz ovog projekta u 2019. godini je 40.000,00 KM i to samo iz eksternih izvora. Realizovani iznos u 2019. godini je 31.000,00 KM iz istog izvora.

Ovaj projekat je kandidovalo Javno komunalno preduzeće AD "Toplana" Prijedor i isto je dostavilo podatke u vezi sa njegovom implementacijom.

## **2.3. Izgradnja tercijarne mreže sa kućnim priključcima na regionalnom vodovodnom sistemu "Crno Vrelo" za naselja: Petrov Gaj, Omarska, Niševići, Lamovita, Krivaja, Jelička, Marička, Gradina, Bistrica, Kevljani i Kamičani**

U toku 2019. godine, u okviru ovog projekta, izvedeni su radovi na sekundarnoj i tercijarnoj mreži i izvršeni su priključci u naseljima Jelička, Gradina, Krivaja i Marčka. Osim toga, urađene su prepumpne stanice, po dvije u Jeličkoj, Krivaji i Bistrici.

Planirani iznos za finansiranje aktivnosti iz ovog projekta u 2019. godini je 1.415.000,00 KM i to samo iz budžeta Grada. Realizovani iznos u 2019. godini iz budžeta Grada je 2.892.551,00 KM.

Ovaj projekat je kandidovalo Odjeljenje za saobraćaj, komunalne poslove i zaštitu životne sredine i imovinsko-stambene poslove i isto je dostavilo podatke u vezi sa njegovom implementacijom.

## **2.4. Uređenje i proširenje kapaciteta gradskog groblja Pašinac i izrada regulacionog plana za gradsko groblje Pašinac**

U toku 2019. godine, u okviru ovog projekta, završen je u potpunosti dio projekta koji se odnosi na izradu i donošenje Regulacionog plana gradskog groblja "Pašinac", kao uslova za dalje projektne aktivnosti.

Zbog nedostatka finansijskih sredstava, AD "Komunalne usluge" nije bilo u mogućnosti da finansira planirane aktivnosti na implementaciji ovog projekta. U javnoj raspravi prijedloga Budžeta Grada Prijedora za 2020. godinu uputili su zahtjev br. 2633/19 od 19.11.2019. godine u kome su predložili da se u Budžet Grada Prijedora za 2020. godinu uvrsti finansiranje navedenog projekta u iznosu od 70.000,00 KM

Nažalost navedeni prijedlog nije uvršten u Budžet Grada za 2020. godinu, te u ovom momentu nemaju na raspolaganju potrebna sredstva za nastavak implementacije navedenog kapitalnog projekta.

Planirani iznos za finansiranje aktivnosti iz ovog projekta u 2019. godini je 7.000,00 KM i to samo iz budžeta Grada. Realizovani iznos u 2019. godini iz budžeta Grada je 15.546,00 KM.

Ovaj projekat su kandidovali Odjeljenje za saobraćaj, komunalne poslove i zaštitu životne sredine i imovinsko-stambene poslove i AD "Komunalne usluge", te su isti dostavili podatke u vezi sa njegovom implementacijom.

## **2.5. Izgradnja primarnog kanalizacionog sistema u naseljima Orlovača, Čirkin Polje i dijelu industrijske zone Svale**

U toku 2019. godine, u okviru projekta MEG, koji finansira Vlada Švajcarske, a implementira UNDP BiH, zajedno sa udruženim sredstvima grada Prijedora, završeni su radovi na izgradnji primarnog kanalizacionog sistema u naseljima Orlovača, Čirkin Polje i dijelu industrijske zone Svale. Urađeno je ukupno 3.137,94 metara primarne kanalizacione mreže.

Radovi su započeli 27.09.2018. godine, ali tokom implementacije bilo je problema sa imovinskim odnosima i lošim vremenskim uslovima koji su doveli do pojava podzemnih voda, tako da je implementacija trajala i tokom 2019. godine.

Planirani iznos za finansiranje aktivnosti iz ovog projekta u 2019. godini je 583.500,00 KM i to iz budžeta Grada 320.000,00 KM i iz eksternih izvora- grant Vlade Švicarske, 263.500,00 KM. Realizovani iznos u 2019. godini je 547.414,84 KM i to iz budžeta Grada 282.020,34 KM i iz eksternih izvora- grant Vlade Švicarske, 265.394,50 KM.

Ovaj projekat je kandidovalo Odjeljenje za saobraćaj, komunalne poslove i zaštitu životne sredine i imovinsko-stambene poslove i isto je dostavilo podatke u vezi sa njegovom implementacijom.

## **2.6. Cjevovodi i priključci u naselju Tukovi -Žeger**

U toku 2019. godine nisu obezbjeđena finansijska sredstva za implementaciju ovog projekta.

Planirani iznos za finansiranje aktivnosti iz ovog projekta u 2019. godini je 110.000,00 KM.

Ovaj projekat je kandidovalo Odjeljenje za saobraćaj, komunalne poslove i zaštitu životne sredine i imovinsko-stambene poslove i isto dostavilo podatke u vezi sa njegovom implementacijom.

## **2.7. Izvođenje radova na realizaciji vodosnabdijevanja Ulice Ive Andrića (Baltine Bare)**

U toku 2019. godine, u okviru ovog projekta, urađeno je 4000 m primarnog vodovodnog sistema u ulici Ive Andrića u okviru kreditnih sredstava koja vraća Grad Prijedor. Projekat je realizovan u okviru programa Hitan oporavak od poplava, koji provodi Ministarstvo poljoprivrede, vodoprivrede i šumarstva Republike Srpske.

Planirani iznos za finansiranje aktivnosti iz ovog projekta u 2019. godini je 250.000,00 KM i to samo iz budžeta Grada. Realizovani iznos u 2019. godini je 250.000,00 KM iz istog izvora.

U tabeli broj 3. dat je finansijski pregled realizacije projekata u oblasti Komunalna infrastruktura:

**Tabela 3.** Komunalna infrastruktura

<b>Redni broj</b>	<b>Naziv projekta</b>	<b>Planirana sredstva u 2019. godini (KM)</b>	<b>Ostvareno u 2019. godini (KM)</b>
1.	Rekonstrukcija vrelovodne i toplovodne mreže Grada Prijedora	120.000,00	69.500,00
2.	Proširenje vrelovodne mreže grada Prijedora	40.000,00	31.000,00
3.	Izgradnja tercijarne mreže sa kućnim priključcima na regionalnom vodovodnom sistemu "Crno Vrelo" za naselja: Petro Gaj, Omarska, Niševići, Lamovita, Krivaja, Jelička, Marička, Gradina, Bistrica, Kevljani i Kamičani	1.415.000,00	2.892.551,00
4.	Uređenje i proširenje kapaciteta gradskog groblja Pašinci i izrada regulacionog plana za gradsko groblje Pašinci	7.000,00	15.546,00
5.	Izgradnja primarnog kanizacionog sistema u naseljima Orlovača, Čirkin Polje i dijelu industrijske zone Svale	583.500,00	547.414,84
6.	Cjevovodi i priključci u naselju Tukovi - Žeger	110.000,00	0,00
7.	Izvođenje radova na realizaciji vodosnabdijevanja Ulice Ive Andrića ( Baltin Bare)	250.000,00	250.000,00
<b>UKUPNO</b>		<b>2.525.500,00</b>	<b>3.806.011,84</b>

Realizacija sredstava u oblasti Komunalne infrastrukture u 2019. godini je 150,70 %, što znači da je finansijska realizacija veća od planirane i da su u ovoj oblasti realizovani svi projekti ( osim jednog ) koji su kandidovani Revidovanim Planom kapitalnih investicija za 2019. i 2020. godinu.

### **3. SAOBRAĆAJNA INFRASTRUKTURA**

#### **3.1. Izgradnja i rekonstrukcija puteva na području grad Prijedora po lotovima**

U toku 2019. godine, u okviru ovog projekta, izvršeno je asfaltiranje sledećih putnih pravaca: Mijatovička potok – Vukajlovići, Gornja Marička – Stojnići, Rakelići – Miljakovci, Pećani – put uz prugu, Busnovi - Marička, Brežičani – Lug, Gornja Dragotinja – Ahmetovci, Jutrogošta (crkva – groblje – raskrsnica za Jelovac), Veliko Palnačište – Vokići.

Planirani iznos za finansiranje aktivnosti iz ovog projekta u 2019. godini je 1.750.000,00 KM i to samo iz budžet Grada. Realizovani iznos u 2019. godini je 1.290.464,31 KM i to iz budžeta Grada.

Ovaj projekat je kandidovalo Odjeljenje za saobraćaj, komunalne poslove i zaštitu životne sredine i imovinsko-stambene poslove i isto je dostavilo podatke u vezi sa njegovom implementacijom.

#### **3.2. Rekonstrukcija Partizanske ulice u Kozarcu**

U toku 2019. godine, u okviru ovog projekta, izvršena je rehabilitacija dijela lokalnog puta L12, odnosno Partizanske ulice u naselju Kozarac, u dužini od 616 m.

Planirani iznos za finansiranje aktivnosti iz ovog projekta u 2019. godini je 123.889,60 KM i to samo iz budžet Grada. Realizovani iznos u 2019. godini je 73.878,08 KM i to iz budžeta Grada.

Ovaj projekat je kandidovalo Odjeljenje za saobraćaj, komunalne poslove i zaštitu životne sredine i imovinsko-stambene poslove i isto je dostavilo podatke u vezi sa njegovom implementacijom.

#### **3.3. Rekonstrukcija lokalnog puta Grabovac – Petrovo**

U toku 2019. godine, u okviru ovog projekta, izvršena je rehabilitacija dijela lokalnog puta Grabovac - Petrovo, u dužini od 1.176 m.

Planirani iznos za finansiranje aktivnosti iz ovog projekta u 2019. godini je 132.520,40 KM i to samo iz budžet Grada. Realizovani iznos u 2019. godini je 76.318,87 KM i to iz budžeta Grada.

Ovaj projekat je kandidovalo Odjeljenje za saobraćaj, komunalne poslove i zaštitu životne sredine i imovinsko-stambene poslove i isto je dostavilo podatke u vezi sa njegovom implementacijom.

#### **3.4. Izgradnja saobraćajnice i vanjske rasvjete između Istočne tribine Gradskog stadiona i Tržnog centra „Robot“ i platoa ispred poslovnih prostora istočne tribine Gradskog stadiona**

U toku 2019. godine, u okviru ovog projekta, izvršena je izgradnja saobraćajnice sa trotoarima, oborinskom odvodnjom i rasvjetom u dužini od 215 m.

Planirani iznos za finansiranje aktivnosti iz ovog projekta u 2019. godini je 500.000,00 KM i to samo iz budžeta Grada. Realizovani iznos u 2019. godini je 428.670,45 KM iz istog izvora.

Ovaj projekat je kandidovalo Odjeljenje za saobraćaj, komunalne poslove i zaštitu životne sredine i imovinsko-stambene poslove i isto je dostavilo podatke u vezi sa njegovom implementacijom.

### 3.5. Izgradnja kružne raskrsnice u Prijedoru, na spoju magistralnog puta M-4 i ulice 29. Novembar (veza M-4 i M-15 )

U toku 2019. godine, u okviru ovog projekta, izvršena je izgradnja kružne raskrsnice sa trotoarima, oborinskom odvodnjom i rasvjetom. Izgradnju su finansirali Javno preduzeće Putevi RS, a imovinske odnose je rješavao grad Prijedor.

Planirani iznos za finansiranje aktivnosti iz ovog projekta u 2019. godini je 455.822,64 KM i to samo iz eksternih izvora. Realizovani iznos u 2019. godini je 455.822,64 KM iz istog izvora.

Ovaj projekat je kandidovalo Odjeljenje za saobraćaj, komunalne poslove i zaštitu životne sredine i imovinsko-stambene poslove i isto je dostavilo podatke u vezi sa njegovom implementacijom.

U narednoj tabeli dat je finansijski pregled realizacije projekata u oblasti Saobraćajna infrastruktura:

**Tabela 4.** Saobraćajna infrastruktura

Redni broj	Naziv projekta	Planirana sredstva u 2019. godini (KM)	Ostvareno u 2019. godini (KM)
1.	Izgradnja i rekonstrukcija puteva na području grad Prijedora po lotovima	1.750.000,00	1.290.464,31
2.	Rekonstrukcija Partizanske ulice u Kozarcu	123.889,60	73.878,08
3.	Rekonstrukcija lokalnog puta Grabovac – Petrovo	132.520,40	76.318,87
4.	Izgradnja saobraćajnice i vanjske rasvjete između Istočne tribine Gradskog stadiona i Tržnog centra „Robot“ i platoa ispred poslovnih prostora istočne tribine Gradskog stadiona	500.000,00	428.670,45
5.	Izgradnja kružne raskrsnice u Prijedoru, na spoju magistralnog puta M-4 ulice 29. Novembar (veza M-4 i M-15	455.822,64	455.822,64
<b>UKUPNO</b>		<b>2.962.232,64</b>	<b>2.325.154,35</b>

Realizacija sredstava u oblasti Saobraćajne infrastrukture u 2019. godini je 78,49 %, što znači da je ostvarena izuzetno dobra realizacija i da su u ovoj oblasti svi projekti koji su kandidovani u Revidiranom Planu kapitalnih investicija za 2019. i 2020. godinu realizovani u potpunosti ili sa visokim stepenom realizacije.

#### **4. ELEKTRO INFRASTRUKTURA**

##### **4.1. Projekat sanacije distributivne mreže sa proširenjem postojećeg AMM sistema (27 trafopodručja, oko 5.000 mjernih mjesta)**

U toku 2019. godine, u okviru ovog projekta, izvršena je sanacija distributivne mreže sa proširenjem postojećeg AMM sistema kojim je obuhvaćeno 27 trafopodručja i oko 5000 mjernih mjesta. Takođe je izvršena rekonstrukcija pripadajuće trafostanice, niskonaponske mreže i priključaka, pri čemu su urađena brojila sa daljinskim očitanjem. Tih 27 trafopodručja pripadaju naseljima Urije, Gašića Naselje, Aerodromsko Naselje, Omarska, Vrbice, Tukovi, Kalata, Oštra Luka, Čirkin Polje i dio Centra.

Planirani iznos za finansiranje aktivnosti iz ovog projekta u 2019. godini je 500.000,00 KM i to samo iz eksternih izvora. Realizovani iznos u 2019. godini je 500.000,00 KM iz istog izvora.

Ovaj projekat je kandidovala R.J. "Elektrodistribucija" Prijedor i ista je dostavila podatke u vezi sa njegovom implementacijom.

##### **4.2. Projekat izgradnje 20 kV magistalnog dalekovoda PD 5 – Kozarac (11km)**

U toku 2019. godine nisu obezbjeđena finansijska sredstva za implementaciju ovog projekta.

Planirani iznos za finansiranje aktivnosti iz ovog projekta u 2019. godini je 500.000,00 KM.

Ovaj projekat je kandidovala R.J. "Elektrodistribucija" Prijedor i ista je dostavila podatke u vezi sa njegovom implementacijom.

##### **4.3. Projekat rekonstrukcije SN i NN distributivne mreže- EBRD (22 trafopodručja)**

U toku 2019. godine, u okviru ovog projekta, započete su aktivnosti na rekonstrukciji NN mreža i iste će biti nastavljene u 2020. godini. Projekat je zbog nedostatka novca redukovao, odnosno, finansijski prepolovljen sa cca 2.000.000,00 KM na cca 1.000.000,00 KM. Obuhvat projekta za niskonaponsku mrežu sa cca 600.000,00 KM sredstava se odnosi na dijelove naselja Čirkin Polje, Svale, Urije (S.Rodića) i Omarska. Obuhvat projekta cca 400.000,00 KM sredstava za srednjenaponsku mrežu se odnosi na dalekovode: 1. Prijedor 3 - Čerjenci - G.Puharska - Potkozarje, 2. RTS Kozarac - Kamičani - G. Lamovita – Lisina.

Planirani iznos za finansiranje aktivnosti iz ovog projekta u 2019. godini je 1.000.000,00 KM i to samo iz eksternih izvora. Realizovani iznos u 2019. godini je 100.000,00 KM iz istog izvora.

Ovaj projekat je kandidovala R.J. "Elektrodistribucija" Prijedor i ista je dostavila podatke u vezi sa njegovom implementacijom.

#### 4.4. Projekat rekonstrukcije SN i NN distributivne mreže - (11 trafopodručja)

U toku 2019. godine, u okviru ovog projekta, završen je dio aktivnosti. U narednoj kalendarskoj godini realizovati će se ostatak aktivnosti.

Projekat podrazumijeva rekonstrukciju dijelova niskonaponskih mreža u naseljima: Brežičani, Čejreci, Puharska, Busnovi, Rakelići, Pejići, Zecovi, Ljubija, Gomjenica, Marićka i Miljakovci-Cerići.

Planirani iznos za finansiranje aktivnosti iz ovog projekta u 2019. godini je 300.000,00 KM i to samo iz eksternih izvora. Realizovani iznos u 2019. godini je 300.000,00 KM iz istog izvora.

Ovaj projekat je kandidovala R.J. "Elektrodistribucija" Prijedor i ista je dostavila podatke u vezi sa njegovom implementacijom.

U tabeli broj 5. dat je finansijski pregled realizacije projekata u oblasti Elektro infrastruktura:

**Tabela 5.** Elektro infrastruktura

Redni broj	Naziv projekta	Planirana sredstva u 2019. godini (KM)	Ostvareno u 2019. godini (KM)
1.	Projekat sanacije distributivne mreže sa proširenjem postojećeg AMM sistema	500.000,00	500.000,00
2.	Projekat izgradnje 20 kV magistalnog dalekovoda PD 5 – Kozarac (11km)	500.000,00	0,00
3.	Projekat rekonstrukcije SN i NN distributivne mreže - EBRD (22 trafopodručja)	1.000.000,00	100.000,00
4.	Projekat rekonstrukcije SN i NN distributivne mreže - (11 trafopodručja)	300.000,00	300.000,00
<b>UKUPNO</b>		<b>2.300.000,00</b>	<b>900.000,00</b>

Realizacija sredstava u oblasti Elektro infrastrukture u 2019. godini je 39,13 %, što znači da je ostvarena znatno niža realizacija nego u drugim oblastima iz razloga što nije implementiran projekat "Projekat izgradnje 20 kV magistalnog dalekovoda PD 5 – Kozarac (11km)" i što je na projektu "Projekat rekonstrukcije SN i NN distributivne mreže - EBRD (22 trafopodručja)" sproveden dio aktivnosti u 2019. godini, a veći dio aktivnosti prebačen u 2020. godinu.

## 5. OBRAZOVANJE

### 5.1. Rekonstrukcija i izgradnja školskih dvorana (OŠ „Vuk Karadžić“ Omarska)

U toku 2019. godine, u okviru ovog projekta, započeta je izgradnja sportske dvorane u OŠ "Vuk Karadžić" Omarska. Urađena je prva faza radova, koja podrazumijeva postavljanje konstrukcije i krova na školskoj dvorani OŠ „Vuk Karadžić“ Omarska.

Planirani iznos za finansiranje aktivnosti iz ovog projekta u 2019. godini je 256.474,00 KM i to iz budžeta Grada 56.474,00 KM kroz nenovčana sredstva i iz eksternih sredstava 200.000,00 KM. Realizovani iznos u 2019. godini je 549.679,83 KM i to iz budžeta Grada 130.292,83 KM i iz eksternih izvora 419.387,00 KM.

Ovaj projekat je kandidovalo Odjeljenje za društvene djelatnosti i isto je dostavilo podatke u vezi sa njegovom implementacijom.

### 5.2. Izgradnja Visoke medicinske škole

U toku 2019. godine, u okviru ovog projekta, sprovedena je tenderska procedura, a u prvom kvartalu 2020. godine sprovedeni su radovi koji su obuhvatali rekonstrukciju trećeg sprata Mašinske škole za potrebe Visoke medicinske škole. Izvršena je kompletna konstruktivna sanacija, odnosno, izvršena je demontaža kompletnog postojećeg krova, rušenje međuspratne drvene konstrukcije, izrada nove armirano betonske stropne konstrukcije, izvedena je kompletna nova drvena konstrukcija i objekat je pokriven crijepom. Takođe je izvršena sanacija zidova kroz grubo i fino malterisanje.

Planirani iznos za finansiranje aktivnosti iz ovog projekta u 2019. godini je 100.000,00 KM i to samo iz budžeta Grada. Realizovani iznos u 2019. godini je 100.000,00 KM iz istog izvora.

Ovaj projekat je kandidovalo Odjeljenje za društvene djelatnosti i isto je dostavilo podatke u vezi sa njegovom implementacijom.

U tabeli broj 6. dat je finansijski pregled realizacije projekata u oblasti Obrazovanje:

**Tabela 6.** Obrazovanje

Redni broj	Naziv projekta	Planirana sredstva u 2019. godini (KM)	Ostvareno u 2019. godini (KM)
1.	Rekonstrukcija i izgradnja školskih dvorana (Vuk Karadžić Omarska)	256.474,00	549.679,83
2.	Izgradnja Visoke medicinske škole	100.000,00	100.000,00
<b>UKUPNO</b>		<b>356.474,00</b>	<b>649.679,83</b>



Realizacija sredstava u oblasti Obrazovanje u 2019. godini je 182,25 %, što znači da je finansijska realizacija veća od planirane i da su u ovoj oblasti realizovani svi projekti koji su kandidovani Revidovanim Planom kapitalnih investicija za 2019. i 2020. godinu.

## 6. SPORT

### 6.1. Završetak radova na izgradnji Sportske dvorane na Urijama

U toku 2019. godine, u okviru ovog projekta, urađeni su radovi na postavljanju elektroinstalacija, fasada i uređenje eksterijera.

Planirani iznos za finansiranje aktivnosti iz ovog projekta u 2019. godini je 3.500.000,00 KM i to samo iz eksternog izvora. Realizovani iznos u 2019. godini je 2.047.201,00 KM iz istog izvora ( sredstva Klirinškog duga).

Ovaj projekat je kandidovalo Odjeljenje za društvene djelatnosti i isto je dostavilo podatke u vezi sa njegovom implementacijom.

U tabeli broj 7. dat je finansijski pregled realizacije projekata u oblasti Sport:

**Tabela 7. Sport**

Redni broj	Naziv projekta	Planirana sredstva u 2019. godini (KM)	Ostvareno u 2019. godini (KM)
1.	Završetak radova na izgradnji Sportske dvorane na Urijama	3.500.000,00	2.047.201,00
<b>UKUPNO</b>		<b>3.500.000,00</b>	<b>2.047.201,00</b>

Realizacija sredstava u oblasti Sport u 2019. godini je 58,49 % , što znači da je ostvaren polovičan rezultat u odnosu na planiran.

## 7. DRUŠTVENI SADRŽAJI

### 7.1. Izgradnja stambene zgrade sa 20 stanova u Raškovcu u okviru CEB projekta

U toku 2019. godine, u okviru ovog projekta, izgrađena je stambena zgrada sa 20 stanova u Raškovcu u okviru CEB projekta. Dio aktivnosti je prebačen za 2020. godinu i one se odnose na uređenje eksterijera.

Planirani iznos za finansiranje aktivnosti iz ovog projekta u 2019. godini je 1.400.000,00 KM i to iz budžeta Grada 400.000,00 KM i iz eksternih sredstava 1.000.000,00 KM. Realizovani iznos u 2019. godini je 1.400.000,00 KM i to samo iz eksternog izvora.

Ovaj projekat je kandidovalo Odjeljenje za saobraćaj, komunalne poslove i zaštitu životne sredine i imovinsko-stambene poslove i isto je dostavilo podatke u vezi sa njegovom implementacijom.

### 7.2. Izgradnja stambene zgrade sa 32 stana u Raškovcu u okviru Regionalnog stambenog programa

U toku 2019. godine, u okviru ovog projekta, izgrađena je stambena zgrada sa 32 stana u Raškovcu u okviru Regionalnog stambenog programa. Dio aktivnosti je prebačen za 2020. godinu i one se odnose na uređenje eksterijera.

Planirani iznos za finansiranje aktivnosti iz ovog projekta u 2019. godini je 2.000.000,00 KM i to iz budžeta Grada 500.000,00 KM i iz eksternih sredstava 1.500.000,00 KM. Realizovani iznos u 2019. godini je 2.000.000,00 KM, i to 250.000,00 KM iz budžeta Grada kroz nenovčana sredstva i 1.750.000,00 KM iz eksternog izvora.

Ovaj projekat je kandidovalo Odjeljenje za saobraćaj, komunalne poslove i zaštitu životne sredine i imovinsko-stambene poslove i isto je dostavilo podatke u vezi sa njegovom implementacijom.

U tabeli broj 8. dat je finansijski pregled realizacije projekata u oblasti Društveni sadržaji:

**Tabela 8.** Društveni sadržaji

Redni broj	Naziv projekta	Planirana sredstva u 2019. godini (KM)	Ostvareno u 2019. godini (KM)
1.	Izgradnja stambene zgrade sa 20 stanova u Raškovcu u okviru CEB projekta	1.400.000,00	1.400.000,00
2.	Izgradnja stambene zgrade sa 32 stana u Raškovcu u okviru Regionalnog stambenog programa	2.000.000,00	2.000.000,00
<b>UKUPNO</b>		<b>3.400.000,00</b>	<b>3.400.000,00</b>

Realizacija sredstava u oblasti Društveni sadržaji u 2019. godini je 100,00 %, što znači da je ostvarena izuzetno dobra realizacija i da su u ovoj oblasti svi projekti koji su kandidovani u Revidiranom Planu kapitalnih investicija za 2019. godinu realizovani u potpunosti.

## **8. OSTALI PROJEKTI**

### **8.1. Geoinformacioni sistem –GIS**

U toku 2019. godine, u okviru ovog projekta, izvršen je dio projekta koji je planiran na godišnjem nivou a odnosi sa na održavanje i unaprijeđenje GIS-a (npr. povezivanje sa drugim aplikacijama u GU).

Planirani iznos za finansiranje aktivnosti iz ovog projekta u 2019. godini je 40.000,00 KM i to samo iz budžeta Grada. Realizovani iznos u 2019. godini iz budžeta Grada je 36.223,00 KM.

Ovaj projekat je kandidovalo Odjeljenje za prostorno uređenje i isto je dostavilo podatke u vezi sa njegovom implementacijom.

### **8.2. Zoning plan područja posebne namjene sjeverozapadnog dijela urbanog područja Prijedora**

U toku 2019. godine, u okviru ovog projekta, održana je stručna rasprava na radnu verziju prednacrtu Plana. Završetak projekta je u zakašnjenju dijelom zbog kašnjenja nosioca izrade u formiranju prednacrtu Plana, a dijelom zbog produženog prikupljanja potrebne dokumentacije za izradu Plana od nadležnih institucija.

Planirani iznos za finansiranje aktivnosti iz ovog projekta u 2019. godini je 60.000,00 KM i to samo iz budžeta Grada. Realizovani iznos u 2019. godini iz budžeta Grada je 117.000,00 KM.

Ovaj projekat je kandidovalo Odjeljenje za prostorno uređenje i isto je dostavilo podatke u vezi sa njegovom implementacijom.

### **8.3. Urbanistički plan Kozarac i kontakt područje 2019-2039. godina**

U toku 2019. godine, u okviru ovog projekta, donesena je Odluka o pristupanju izrade Plana i imenovan je savjet Plana. Proveden je postupak javne nabavke i izabran je nosioc izrada Plana. Plaćen je avans za izradu plana sa ugovornim organom. Oglašena je izrada Plana i prikupljeni su prijedlozi za planska rješenja. Formirane su i dostaljene smjernice za izradu Plana. Izvršeni su terenski radovi za potrebe formiranja informaciono-dokumentacione osnove Plana. Čeka se donošenje Plana parcelacije autoputa BL-PD kao uslova za završetak prednacrtu Plana.

Planirani iznos za finansiranje aktivnosti iz ovog projekta u 2019. godini je 30.000,00 KM i to samo iz budžeta Grada. Realizovani iznos u 2019. godini iz budžeta Grada je 8.695,20 KM.

Ovaj projekat je kandidovalo Odjeljenje za prostorno uređenje i isto je dostavilo podatke u vezi sa njegovom implementacijom.

#### 8.4. Prostorni plan Grada Prijedora 2020-2040

U toku 2019. godine, u okviru ovog projekta, donesena je Odluka o pristupanju izradi Plana i imenovan je savjet Plana. Izvršene su propisane pripreme za provođenje postupka javne nabavke za izbor najpovoljnijeg ponuđača za izradu Plana. Izvršena je nabavka digitalne vektorske karte i digitalnog ortofoto plana za teritoriju grada Prijedora.

Planirani iznos za finansiranje aktivnosti iz ovog projekta u 2019. godini je 17.000,00 KM i to samo iz budžeta Grada. Realizovani iznos u 2019. godini iz budžeta Grada je 7.167,00 KM.

Ovaj projekat je kandidovalo Odjeljenje za prostorno uređenje i isto je dostavilo podatke u vezi sa njegovom implementacijom.

#### 8.5. Ortofoto snimak grada Prijedora ( avio snimak)

U toku 2019. godine, u okviru ovog projekta, izrada ortofoto snimka grada Prijedora je planirana za potrebe izrade Urbanističkog plana Kozarac i Prostornog plana grada Prijedora. Odjeljenje je u međuvremenu isti pribavilo neposredno od nadležnog organa pod puno povoljnijim uslovima u odnosu na planirana sredstva ovog projekta. U tom smislu predmetni projektni prijedlog se smatra realizovanim.

Planirani iznos za finansiranje aktivnosti iz ovog projekta u 2019. godini je 100.000,00 KM i to samo iz budžeta Grada. Realizovani iznos u 2019. godini iz budžeta Grada je 6.750,00 KM.

Ovaj projekat je kandidovalo Odjeljenje za prostorno uređenje i isto je dostavilo podatke u vezi sa njegovom implementacijom.

U tabeli broj 9. dat je finansijski pregled realizacije projekata u oblasti Ostali projekti:

**Tabela 9.** Ostali projekti

Redni broj	Naziv projekta	Planirana sredstva u 2019. godini(KM)	Ostvareno u 2019. godini (KM)
1.	Geoinformacioni sistem –GIS	40.000,00	36.223,00
2.	ZonIng plan područja posebne namjene sjeverozapadnog dijela urbanog područja Prijedora	60.000,00	117.000,00
3.	Urbanistički plan Kozarac i kontakt područje 2019-2039. godina	30.000,00	8.695,20
4.	Prostorni plan Grada Prijedora 2020-2040	17.000,00	7.167,00
5.	Ortofoto snimak grada Prijedora ( avio snimak)	100.000,00	6.750,00
<b>UKUPNO</b>		<b>247.000,00</b>	<b>175.835,20</b>

Realizacija sredstava u oblasti Ostali projekti u 2019. godini je 71,18 %, što znači da je ostvarena veoma dobra realizacija i da su u ovoj oblasti svi projekti koji su kandidovani u Revidiranom Planu kapitalnih investicija za 2019. i 2020. godinu realizovani sa veoma dobrim stepenom realizacije.

#### **9. ZAŠTITA ŽIVOTNE SREDINE I ENERGETSKA EFIKASNOST**

Revidiranim Planom kapitalnih investicija za 2019. godinu nije planirana implementacija projekata u oblasti Zaštite životne sredine i energetske efikasnosti. Implementacija projekata iz ove oblasti je planirana u 2020. godini.

#### **10. ZDRAVSTVO**

Revidiranim Planom kapitalnih investicija za 2019. godinu nije planirana implementacija projekata u oblasti Zdrastva. Implementacija projekata iz ove oblasti je planirana u 2020. godini.

Implementacija projekata iz ove oblasti je planirana u 2020. godini.

#### **11. KULTURA I TURIZAM**

Revidiranim Planom kapitalnih investicija za 2019. i 2020. godinu nije planirana implementacija projekata u oblasti Kultura i turizam.

### 3. REKAPITULACIJA SVIH PROJEKATA

Ukupna vrijednost kapitalnih investicija grada Prijedora predviđenih za finansiranje u periodu od 2019. do 2020. godine iznosi **48.289.486,24 KM**.

Revidiranim Planom kapitalnih investicija za 2019. godinu planirana je implementacija 31 projekta, čija je ukupna vrijednost **17.234.223,13 KM**.

Na osnovu prikupljenih informacija obuhvaćenih ovim izvještajem realizovano je **15.121.745,22 KM**, odnosno **87,74 %**. Pri tom, potrebno je imati u vidu da je realizacija budžetskih sredstava grada Prijedora iznosila **6.133.440,08 KM**, što predstavlja **40,56 %** od ukupne realizacije, dok je realizacija iz eksternih izvora bila **8.988.305,14 KM**, odnosno **59,44 %** od ukupne realizacije sredstava.

Planirana budžetska sredstva grada Prijedora za realizaciju projekata Revidiranim Planom kapitalnih investicija za 2019. godinu su bila **6.204.900,49 KM**, dok su eksterni izvori finansiranja za 2019. godinu planirani u iznosu od **11.029.322,64 KM**.

Finansijska realizacija navedenih projekata, prema oblastima, za 2019. godinu data je u tabeli broj 10.

**Tabela 10.** Rekapitulacija projekata iz Revidiranog PKI za 2019. godinu

r/b	Naziv projekta	Planirana sredstva u 2019. godini ( KM)		Ostvareno u 2019. godini (KM)		% realizacije
		Budžet Grada	Eksterni izvori	Budžet Grada	Eksterni izvori	
1.	Privreda	293.016,49	1.650.000,00	167.863,00	1.650.000,00	93,55
2.	Komunalna infrastruktura	2.102.000,00	423.500,00	3.190.117,34	615.894,50	81,01
3.	Saobraćajna infrastruktura	2.506.410,00	455.822,64	1.869.331,71	455.822,64	78,49
4.	Elektro infrastruktura	0,00	2.300.000,00	0,00	900.000,00	39,13
5.	Zaštita životne sredine i energetska efikasnost	0,00	0,00	0,00	0,00	0,00
6.	Kultura i turizam	0,00	0,00	0,00	0,00	0,00
7.	Obrazovanje	156.474,00	200.000,00	230.292,83	419.387,00	182,25
8.	Sport	0,00	3.500.000,00	0,00	2.047.201,00	58,49
9.	Zdravstvo	0,00	0,00	0,00	0,00	0,00
10.	Društveni sadržaji	900.000,00	2.500.000,00	250.000,00	3.150.000,00	100,00
11.	Ostali projekti	247.000,00	0,00	175.835,20	0,00	71,18
<b>UKUPNO</b>		<b>6.204.900,49</b>	<b>11.029.322,64</b>	<b>6.133.440,08</b>	<b>8.988.305,14</b>	<b>87,74</b>
		<b>17.234.223,13</b>		<b>15.121.745,22</b>		<b>87,74</b>

#### 4. ZAKLJUČAK

- Prema analizi finansijskih pokazatelja za 2019. godinu, od planiranih 17.234.223,13 KM, realizovano je **15.121.745,22** KM, odnosno **87,74** %.
- Posmatrano sa stanovišta planiranih i ostvarenih sredstava, može se zaključiti da su budžetska sredstva realno i pažljivo planirana i da je stopa realizacije vrlo visoka od 98,85 %. Realizacija eksternih sredstava iznosi 81,49 %, što predstavlja takođe veoma visoku stopu, posebno ako se uzme u obzir da su u pitanju projekti koje su kandidovali eksterni partneri ( javne ustanove, javna preduzeća i dr.) i da na implementaciju ovakvih projekata Gradska uprava nema veliki uticaj.
- Najčešći razlog zašto određeni projekti nisu implementirani je nedostatak finansijskih sredstava.
- Za određeni broj projekata planirani period realizacije aktivnosti nastavlja se i nakon 2019. godine.
- Neophodno je planirati početak realizacije projekata čija je realizacija planirana za 2019. godinu, pa je odgođena za 2020. godinu, a za koje se realno očekuje da će biti obezbijeđena sredstva (iz budžeta Grada ili iz eksternih izvora) u 2020. godini.

#### **OBRAĐIVAČ**

1. Odsjek za starteško planiranje,  
upravljanje projektima i razvojem

#### **PREDLAGAČ**

**Gradonačelnik**  
Milenko Đaković